

صفية نصار

قلبي إتحرر

أشعار

بالعامية المصرية

الطبعة الأولى مايو 2018

بطاقة الكتاب

عنوان المؤلف : قلبى اتحرر
المؤلف : صفية نصار (شاعرة الجنوب)
التصنيف : أشعار
رقم الإيداع : 2018-10811
الترقيم الدولى : 978-977-6656-07-9
عدد الصفحات : 100 صفحة
رقم الإصدار الداخلى : 186
تاريخ الإصدار الداخلى : مايو 2018 (الطبعة الأولى)

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة	المدير العام
ناجي عبد المنعم	جابر الزهيري



دار
النيل والفرات
للنشر والتوزيع
أسسها الشاعر ناجي عبد المنعم
عام ٢٠١٠

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 01-35-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
alnilwaalfourat@gmail.com alnilwaalfourat

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنترال 13 - قمار 304
ج.م.ع. محافظة المنيا - أبو قرقاص - شرق الترعة - خلف محطة السكة الحديد - هاتف 086214428
ج.م.ع. محافظة القليوبية - مركز طوخ - إسماعيل - هاتف 0132424735 (الغروب)

الإهداء

إلى أهلى

وأحبابى

وأصدقائى

وقرائى الأعزاء

أتمنى أن تعجبكم كلماتى
صفية نصار

قلبي اتحرر

مهما هاتشرح ولا تبرر

انا قلبي اتحرر

ظلمك ليا دمع عنيا

غلطه ولا يمكن يوم تتكرر

انا قلبي اتحرر

قلبي خلاص رافض ضعفه

ولا محتاج من قلبك عطفه

قلبي اتحدي الريح وعواصفه

مهما يكون في البعد قسيه

قلبي اختار البعد وقرر

مهما تقول انك ندمان

او تعتذر بانك غلطان
انا مش هاالصدق زي زمان
قلبي نسي الحنيه
لما الحلو معاك اتمرر،،،،،مرر
صدقني ده مش غرور
ولا مات فيا اجمل احساس وشعور
بس قلبي حالف مايعيش مكسور
وانا عزة نفسي اغلي حاجه فيه
فوق ماخيالك يتصور
قلبي اتحرر قلبي اتحرر

خلي الطابق مستور

متقلبش يا صاحبي
وخاي الطابق مستور
انا عارفك قبل ماتحبي
وتخطي وتبقي كده مشهور
بلاش بقي تتعالا علينا
احنا اللي اسسنا وبنينا
ومهما كبرنا وعدينا
ولاسكنا فوق اعلي القصور
روح كده ربنا يكفيك شر الغرور
من تواضع لله رفعه وعلاه
واحنا عارفين البير وغطاه

ومن فات قديمه تاه
علي مين بتحور وتدور
روح كده ربنا يكفيك شر الغرور
الدنيا يا صاحبي مش باقيه لك
وإن ضحكت يومين مش دايمه لك
والغني مش بالجاه ولا كتر مالك
خاف يوم ترجع لي ذليل مكسور
روح كده ربنا يكفيك شر الغرور
انا لوجيت لي هافتح لك كل الببان
الصاحب الجد وقت الشده ببيان
درس اتعلمته منك وانا الكسبان
كل واحد واصله و إنت كدة مشكور
روح كده ربنا يكفيك شر الغرور
متقلبش يا صاحبي خلي الطابق مستور

أسكت لآمتي

عآيزيني أسكت لآمتي متكلمش

ارضي بظلمك ليا متالمش

ده كتير قوی جدا متحملش

شفت من قسوة كتير

وانا قلبي. حبه كبير

يزعل منك ما يبينش

حاسه بحاجة واخداك مني

شوية شوية تبعدك عني

وده احساسي بيك وظني

وانا احساسي ما بيكدبش

حاولت كتير وانت بتمنعني

رافض حتي تسمعي
واقرب لك خطوة ترجعي
شكلك كده مايطمنش
ان مش هاسكت تاني
ولو جاني قلبك يترجاني
لايمكن يشوف حناني
عشان بقلبي تاني ما يستهونش.

لو بکره مجاش

لو بکره مجاش
فیها ایه لو نستعجله
فی حاجه لسه ماتعرفه اش
العمر مش لسه فی اوله
وانا بستتی من سنین
خلصت الصبر وبدوب حنین
وانا وقلبی مشتاقین
نحلم والحلم معاك اكمله
وانا حلمي علي ادي
متسبنیش احلم لوحدی
وخذ معايا وادی

ده كل اللي عليك تعمله
حبيبي ايه بس يمنع
ان إنت تطلب وتسمع
خايفه علي قلبي يرجع
بجرح مقدرش اتحملة

إحنا النهارده يوم جديد

بالنسبة لنا ده اجمل عيد
بس نقول يوم اليتيم بالتحديد
لاياجماعة دي كدبة ابريل
اللي النبي وصي وعلا مقامه
تبقى السنه كلها ايامه
ويارب حقق امانيه واحلامه
هون عليه الصعب والمستحيل
يارب يجعل ايامكو اجمل اعياد
وانتو في عنينا وقولبنا بنات وولاد
ونتمني نشوفكم علما تصنع امجاد
مهندسين تعلي وتبني

ودكاترة باليدها تشفى
وتكونو فخر لكل جيل
وربك مفيش احن منه عليك
من فضله حبيب جميع الخلق فيك
والجنه اللي تحت أقدام الأمهات
مفتاحها ببتسامه منك وضحكة عنيك
واصبر تنول ده الصبر جميل
وكل اللي بيسعدك زيادة
تنكتب له حسنات بالف شهادة
زي اللي قام ليله طاعة وعبادة
وكلام جميع الأنبياء اكبر دليل
والوصايا لكافة البشر أجمعين
الرحمة شرع الله في كل دين
والكتب السماوية اللي بيها مؤمنين

قران،، توراہ،، زبور ،، انجیل
وکل من فرح یتیم مش بس یوم عیدہ
وطبطب علیہ ولمس علی شعرہ بالیدہ
عدد کل شعرہ ربک یعطیہ ویزیدہ
وتفتح لہ ابواب السماء نہار ولیل
وکافل الیتیم با اعلي مکان فی الجنہ
بجوار النبیین بیسعد ویتهنی
عایز ایه اکثر من کده تتمنی
یاللی فاتح قلبک وبيتک
ملجاً للخیر وسبیل

راجع قلبك

راجع قلبك من تاني
يمكن تلقى لي مكان
وخليك مع نفسك ثواني
قبل ماتضيع العنوان
حبيبي بلاش تخسرني
وتيجي عليا وتكسرني
وتجرب فيا النسيان
انا مش بقول حبيت
ولا شفت منك ولا حسيت
بس يمكن اكون ابتديت
احس وياك بالامان

وهو ده عندي كفايه
وهتبقى احلي بدايه
ولوحتي دي النهايه
انا قلبي مهوش ندمان
اهو عاش له يومين وراضي
ولا ضيع عمره ع الفاضي
وده بالنسبه له مش عادي
حبيبي عيشني يومين كمان

لازم أبعد

حبيبي كان لازم ابعد
واسيبك تاخذ قرار
مش انا اللي احدد
إنت صاحب الاختيار
طول ماانا جمبك
وتملي في حضن قلبك
لاهتعب ولا تحتار
هابعد واشوف اخرة حبك ايه
وانت م الاول حبتني ليه
عايزة بر وانا ارسى عليه
تعبت من طول الانتظار

ولنت بتقول انسي واسامحك
وانا مين ينسيني جرحك
اعمل اللي تشوفه في صالحك
مش عين في الجنه وعين ف النار
وانا مش هتغرق ابدا معايا
هيه كانت غلطتك م البدايه
كان قبل ماتبدا قصه وحكايه
لازم تكتب النهايه وتنزل الستار

مش هنساك

مش هنساك الا إذا
مات الاحساس فيه
او تحصل لي معجزة
تمحي صورتك من عنيا
وتقتل جوايا الحنين
وتنسيني انا مين
وتعلم قلبي الاسيه
بس زمن المعجزات انتهى
وقلوبنا ياما ضيعت وقتها في
إحساس ومشاعر صدقتها
كديه حلوة وانا خالت عليا

خلاص حبيبي بانت حقيقتك
متأخر قوي المهم اني عرفتك
انا عمرى ماكنت في يوم حبيبتك
ولا قلبك عمره مااحس بيه

نعمة الإحساس

مش بإيدي احرم قلبي
من نعمة الاحساس
ولا اقدر اموت حبي
لا اقرب واغلي الناس
كنا زمان غلاوة الذهب
بقينا ليه رخص التراب ننداس
بس بكره هيقدر و حتي التراب
ولا هيلاقو زينا ابداء احباب
بتدي وهيه مش محتاجه
تاخذ م الحب ده حاجه
لابتستني جمایل تترد

ولا عايزه ايدين تتباس
وارجع واقول انا مش ندمان
لاقصرت في حقي ولا غلطان
انا اخلصت وضحيته بكل امان
ودا جزاء الحب والإخلاص

حسيت مليش وجود

حسيت مليش وجود في حياتك
قولت لروحي انسحب من سكات
هو إنت هتفكر في اللي فاتك
لاياحبيبي خليك في الجايات
انا بالنسبة لك ماضي عدي
وهيه لسه في النهارده
سيبك من كل اللي فات
ولا يهمك من طول غيابك
وارجع لوتقدر بعرك وشبابك
وانسي امبارح بكل احبابك
وانسي حتي الزكريات

انسي اني كنت صغيرة
زي القمر وشمس منوره
وزى ماجري لك عليا جري
بصلي كده هافكرك بحاجات
الزمن غيرك زي ما غير فيه
وده لا بيدك ولا بيديا
حبيبي ولوني ده صعب عليا
اقولك إحساسي بحبك مات

باسم الحب

قبل ماتسبيني وتأخذ جمب
قول عملت ايه وايه الذنب
ولا انت دايمًا عنيد وصعب
رافض حتي تسمع منّا
سيبتني وإنّ اعز حبيب
قولت لي اللقاء قسم ونصيب
ووعدتني انا وقلبي تسال عنّا
وافترقنا واحنا راضين
ولا كنا في يوم بايعين
دحكم القدر والسنين
يبقي الفراق مصير حبنا

وانا وقلبي فضلنا نستني
تسال في البعد ازي حالنا
وان كنا بنطلب ولا نتمني
باسم الحب اللي كان
بيجري في دمنا

إوعي ياقلبي تضعف

إوعي ياقلبي تضعف لا
وتنسي عذابك سنين
خلي عندك كبرياء
وخبى جواك الحنين
مش بكلمه ننسي قساه
ونرجع له متشوقين
لا ياقلبي ولا تسال هو ه فين
مش هتلاقي عنده رد
قسوة قلبه فوق الحد
ولنت عايش الحكايه جد
بس انا ها قول لمين

وانت مبتسمعش غير كلامك
وبتجري وراء اوهامك
تفتكر انه دايب في غرامك
لاياقلبي دي قلوب قاسين
بتوعد كتير وتخلف
ولما تقابلك بتحلف
ومهما تقول وتوصف
اوعي ياقلبي تضعف
واياك تصدق دول كدايين

بناقص

بناقص يا حبيبي م الجواب
هيعمل ايه كلام ع الورق
لا هيرحمني م العذاب
ولا هيرجع عمر اتسرق
سمعنا كتير وادي اللي نابنا
شهد كلامك مر عذابنا
سنين ضاغت وعمر اتحرق
بناقص م الاماني والاحلام
بناقص م الكذب والاوهام
وانسي إن كان لك حبيبته
في يوم من الأيام

وانت اللي قولت نفترق
حبيبي وفر ورق وقلم
وبلاش بقسوتك تضغط ع الالم
انا ماصدقت انساك
والجرح اهو طاب ولم
هوه امتي قلبك رق
بناقص

المؤمن دائما متصاب

ومصيبتى كانت هيه
حبىبتى قلبها دايم كداب
والكذب زى الهوى والميه
بتمثل دور البريئة
فى الاقناع لها الف طريقه
اصلها شاطره دي حقيقه
لو امتحنوها تجيب النهائيه
حلوة خالص والكذب عيبها
ومحسوبكو ميت فى دباذيبها
وكل غلطه منى تحسبها
هتجننى دي حاجه مش طبيعىه

ياريت حد يقول لها
تغير شويه من طبعها
مش بعد قلبي ماحبها
تتعلم القسوة فيه
ساعات الاقيها طيبه
وساعات عصبيه ومتعبه
ولو اقسي عليها تزعل
واخاف انا عشان دمعتها قريبة
ودموعها دي غاليه عليا
بقالي سنين عماله اهاتي
بتصل بالتلفزيون يوماتي
وعشان طيبه علي نياتي
افتكرته ملك لكل المصريين
علي حد علمي وبصري

قریت علیہ التلفزیون المصری
خبط علی کل باب مش واحد واتین
وقلت یاناس انا واحده مصریه
عندی موهبه شاعرة غنائیه
واحنا فی زمن الحریه
اسمعونی عایزة اقول کلمتین
وکأنی بادن فی مالطه
عشان انا ملیش واسطه
ولو الاید طایله ولا باسطه
کان یمکن تستحی العین
وانا عندی مبدا وضد الرشوة
مفیش خد اشرب شای ولا قهوة
ومش هاتحصل غلطه ولا سهوة
وبناقص من تلفزینکو ومتشکرین

بس لازم نعمل ثورة ع الاعلام
من غير ماندفع ايه ولا كام
والشعب اللي اسقط اقوي نظام
تتفتح له بدال القناة خمسة وعشرين

سبيك م الأحلام

حبيبي سبيك م الأحلام
احنا نقدر نحققها
هواك كدبه اوهام
قلبي انا صدقها
خيال حقيقة المهم نعيش
اهي حاجه احسن من مفيش
ثواني لو من الزمن نسرقها
من اد ايه مشتاقين
ننسي عذاب السنين
وندوق طعم الحنين
ونحب ايامنا ونعشقها

حبيبي ازي تبعد كده وليه
قلبي مابطل نداصعبان عليه
هوه العمر كله فيه اد ايه
يادوب ساعات حرام نضيعها
اللي باقي مش اد اللي راح
ولا في في الوقت براح
خايفة من كتر الجراح
وقلوبنا مش حمل اهه
من القلب تحرقها

خايف م الهوي

إنت خايف م الهوي
طب قولي ساكت ليه
ماتيجي نقولها سوى
ولانت مستني ايه
هوه هواك مش باين عليا
ولا بتشوف الشوق في عنيا
ولا حسيته في لمسة ايديا
اكيد قلبك زي قلبي حس بيه
خايف م الهوي وانا وياك
بحبك بحبك من قبل لقاء
كنت بحلم دايمًا معاك

وقلبي اقل حاجه منك ترضيه
حبيبي هو هه هواك ليه مدراي
وشاغلني طول ليلي ونهاري
يامحير قلبي وافكاري
لوتفتح قلبك تلاقيني فيه
حبيبي انا سمعاه اهو دق
وشوق عنيك قرب ينطق
صدقني والله ملكش حق
تخاف م الهوي لاخاف عليه

كان ليه ؟!

كان ليه باحبيبي اتقابلنا
لما الفرق كان مصيرنا
كنا سبنا الحب لحد غيرنا
لا انا ولا إنت من اهله
ليه نجرح في قلوب
مش هتغير مكتوب
وحالفه لايمكن تندهله
الحب غيره وحيره نار وعذاب
وفي لحظة كده حبيبك غاب
وتيجي تدور ع الاسباب
كلمه واحد فينا قالها من جهله

هوه الحب دايمًا كده
مش كل ساعاته رضا
ولو سمعت منك نداء
اقول قلبك يجي علي مهله
انا مش عايزه منك حاجة
بس برضوا كنت محتاجه
كلمه حلوه دي فيها حاجة
طب قولها لو شايف
عنيا يستاهلو

يا مصر يا أم الدنيا

يا مصر يا أم الدنيا ياللي
محدث بيتغرب فيكي
فاتحه بابك ومرحبه تملي
خيرك ع الكل امنا ربنا يخليكي
الغريب قبل القريب
شيله جوه عنكي
كلك طيبه حب وحنين
ومختلفش عليك اتنين
لو نبعد نرجعك متشوقين
بنموت من خوفنا وشوقنا ليكي
في حضنك بنحس بالامان

و لا يحلي لنا غيره مكان
واللي مايشرب من نيلك
يفضل عمره كله عطشان
وناقصه حاجة ولا تكمل غير بيكي
تسلمي يامصر يام الرجال
يارافعه رأس كل الاجيال
علي شط نيلك يحلي الموال
وانا وقلبي فداء ونلبي النداء
لوتطلبي بروحنا نفديكي

أمي الحبيبة

امي الحبيبة بكتبك رساله
وانا في الغربه حالتني حاله
ملقتش زيك في الكرم والاصاله
ولا زي ولادك الطيبين
انا مهما بعدت إنتي في دمي
منستش لحظه حنائك ياامي
مفيش غيرك يحمل همي
ياام النساييم فل وياسمين
شبعث غربه وقلبي داب
واشتاقت ليكو ياكل الاحباب
وع الصبر محناش قادرين

امي الحبيبة ياما إنتي وحشاني
خديني لحضنك نسيني احزاني
ضميني خاليني احس بكاني
انا شوقي بكى القلب قبل العين
نفسى اشرب من نيك
وارجعك من تاني اغني لك
وبالعلي صوت اغنيك
انا دايب عشق وحنين
نفسى ارجع وتاخديني
جوه احضانك تدفيني
وبترابك اكحل عيني
ياللي ترابك كحل العين

بيحسدوني عليك

بيحسدوني عليك لما شافو

إيديك بتحضن ايديا

بيحكوا عن حبنا واوصافو

كانهم مستكترين الحب عليا

بيقولو انا لسه في قلبك

فاكرني ولاناسي حبك

يا ريتك يا حبيبي تنساني

بس اشوفك من تاني

كل حاجه فيك وحشاني

حبيب قلبي وعنيا

بشوفك دقيقه ولا اتنين

يادوب تصحي فيا الحنين

وتفوتني انا وقلبي متشوقين
وبنتحاييل عليك تخليك شويه
بتجدد فينا احلي الاماني
ويصالحني وياك زماني
وانسي حيرتني وحرماني
والسهر طول ايامي ولياليه
بتحسدونا علي ايه و ايه بقي
إحنا الفراق اكتر م اللقاء
هتعمل ايه الثواني
قصاد سنين متشوقه
ودايبة فيك حنيه

حببتك

حببتك بكل دقة قلب
حببتك بكل معاني الحب
كنت بتمناك تحس بيا
ولا اسمع كلمه بحنيه
عملت المستحيل عشان بحبك
وقولت مره يرق قلبك
وانا ياما السهر دوب عنيا
وبعد طول حرمانني من صدك
وبعد ما غلبت استني ردك
بعد مانفذ صبري علي عذابي
وبعدما ضاع العمر وزهرة شبابي

دلوقتي بس حسيت بيا
وجي تقولي بتحبنى إنت
شوف كدة بستني من امتي
انا برفض حبك وانا ياما اتمنيته
وبكره قلبك اد ما حبيته
اتعلمت منك الاسيه
ياريت ياللي كنت حبيبي
بعدي عنك يعذبك وتحس تعذيبي
ولما تشرب من نفس الكاس
تعرف يعني ايه جرح الاحساس
وانك خسرت قلب مليون حنيه

بخاف منك

بخاف منك ساعات

وبخاف عليك اكثر

خليتني اشك في حاجات

طول الوقت فيها بفكر

مفيش غيرك شاغل قلبي

ولا حد يستاهل حبي

انا مهما اقول مش ممكن اعبر

حبك فوق الوصف عدي الخيال

ولا عمره خطر على بال

ولا حتي في غنوة ولا موال

اتقال كلام عنيك اللي بيسحر

امال انا ايه اللي دوبيني فيك
وخلي قلبي ملك ايدك
لما شوفت شوق عنيك
لقيت شوقي انا اكبر

أنا الشهيد

انا ضحيت باغلي ماعندي

انا واخواتي قبلنا التحدي

كنا فوق النار بنعدي

نحارب ناس مات فيها الضمير

ارهاب خسيس لعين

في كل كتاب ودين

واحنا الشعب نصاري ومسلمين

عايزين الحكم عاجل في ميدان التحرير

عشان يكونو عبره لما مصر ترد اعتبارنا

بكدّه تقبل عزانا وترفع علمنا

وتبقى فعلا اخدنا بتارنا

ده اقل واجب موش كتير

للي ضحي بدمه وروحه
للي اتحمل الامة وجروحه
نسي كل اماله وطموحه
وقال اموت فداكي
ولازم من التغيير
وكفاية انا عايش ف الجنة
نولت فيها اكر ماتمني
لاخطر علي قلب ولااملنا
نشوف كل ده نعيم وخير
ملايكة ع الصفين قابلوني
وع الحور العين زفوني
انا الشهيد عريس الجنة هنوني
وارتاحي يامه فرشي وغطايا
حرير في حرير

بص لي يابني

بص لي يابني شوف ازي بقي حالي

مفارق الدنيا وسايبك كل غالي

مخدتش كتير ولاقليل من مالي

اتاريها مش دايمه لمخلوق

اصحي لنفسك يالا وفوق

الإنسان سيره لاتقول عمي ولاخالي

وانا مش هعيش لك ع طول

ومش بخاطري اسيبك وقلبي مشغول

وياما قولت لك ولسه هاقول

اعمل حساب لليوم ده

اللي مجاش ابدأ في بالي

وسامحني ياابني لوز علتك يوم
الدنيا مش مستاهله ولا بدوم
ولوقسيت عشان مصلحتك
مش بقصد از علك وتبات مهموم
وانت لو تطلب نجمه اطلعك
السماء العالي
الفراق صعب متبكيش ياعين
الموت عليناق نروح منه فين
كاس ودايرواحنا راضين
بس امانه تدعلي بحس الخاتمه
وكر من دعاك انقطع عملي
وحسك في الدنيا ودعوتك بقيالي

يا جيش يا مصري

يا جيش يا مصري كل الشعب بحيك
الف تحية ومليون سلام ربنا يحميك
يا حامي حدودنا يا فراعنه اصل جدودنا
خير جند الأرض الله الله عليك
انتو فعلا اهل ثقه واد المسؤليه
انتو فخر لكل مصري ومصريه
انتو اسم ومعني للحريه
وحمايه وامن لينا وليك
يا جيش يا مصري ربنا يحميك
من حقي ارفع راسي
ده جيشي ودول اهلي وناسي

العزّه والكرامه دي هيه اساسي
ومصر امانه صونها جوه عنيك
ايد واحدة شرطه جيش شعب
مسلم ومسيحي بندعي نقول يارب
مصر تفضل حضن الامان والحب
ام الدنيا تعلي وتكبر بيك
يا جيش يا مصري ربنا يحميك

إلا كرامتي

كرامتي فوق كل اعتبار
ولو روعي مشتاقه لك
مش لا هقبل اعتذار
وكلمة سماح صعب اقولها لك
سمحت كثير وعشان قلبي كبير
سبتك تعمل مابدالك
كنت بخبي عنك دموعي
واسجن شوقي ما بين ضلوعي
وانت ولا علي بالك
لوشايف قلبي نقطة ضعفي
انا كرامتي اغلي من عواطفي

ورافضه حتي القمر
لوجبته ما بين كفي
وعملت الشوق موالك
مش ها غفر ولا اسامح
ومش ممكن اصالح
قسوتك غيرتني والنهارده
انا مش زي امبارح
ولا قابله خلاص اعزارك
ظلمك ليا قساني
وغدرك بيه نساني
مستحيل ارجع احبك
وارضي يوم بهواني
ولا قلبي يصفالك
الا كرامتي

حبيبي ليه ؟!

حبيبي ليه بتقربني منك
وانت في حياتك حد تاني
ليه خلتنني احس انك
مشتاق لحبي ومحتاج حناني
شايف روحك معايا ولا معاها
هتقدر تنساني ولا هتنساها
انا قلبي في حبك. اناني
مش عايزه ليا شريك
ولا اي واحد ه تفكر فيك
زي ما انا كلي ليك
متفكرش في غيري ثواني

هيه مش هتحبك ابدأ ادي
ولو إنت هتتحمل بعدي
هاقولك يا أغلي ماعندي
ارجع لها وحاول تنساني
الحب مش كلمه بحنيه
ولا هانعيشه بس امنيه
الحب لازم يكون تضحية
لو بتحبني هاتضحى عشاني
انا قلبي في حبك اناني

بتضيع وقت

قربت منك كثير وحاولت
وجيت علي نفسي اتحملت
قلت سيبيني لما افكر
وادي إنت اهو فكرت
وجي وراجع من تاني
تطلب حبي مشتاق حناني
لا يا حبيبي روح وانساني
إنت خلاص اتأخرت
اصل إنت فكرت كثير
شوقت نفسك عليا كبير
وفاكر قلبي لسه أثير

لا كان زمان مش دلوقت
حبيبي فكر كده وبراحتك
وشوفني لو مره جرحتك
هتلاقي كل همي كان راحتك
صدقني أنت اللي خسرت
مش هتقابل زي حبي تاني
ولا حد غيري هيملأ مكاني
انا نفسي اشوفك بترجاني
عشان اقولك يضيع وقت
بضيع وقت

يعز عليا

يعز عليا نفسي
لو انا قلتها لك
ياللي عذابي ويأسي
دايما بيحلاك
يعز عليا اقولها انا
وانا بستني من سنه
عايزها تيجي منك
متجيش ابداء مني انا
قولها لي ولانت شايفها ضعف
لا يا حبيبي ده اجمل وصف
قولها مرة انا اقولها الف

بحبك بحبك وبعشق جمالك

يعز عليا اقولها انا

وانا بستني من سنه

عايزها تيجي منك

متجيش ابدأ مني انا

يعز عليا تكون مغرور

تحرم قلبك احلي شعور

افتح قلبك الحب نور

ودنيه هتتول فيها امالك

من فضلك

اجوك حبيبي من فضلك
ادي لقلبي من تاني فرصه
يحكي معاك يفضفض لك
مش رفض من اول حصه
انا موش عايزة دور البطولة
انا لسه صغيره سنه اولي
هبدأ اتعلم حرف في كل حصه
حبيبي اعمل معروف
علمني اتهجى الحرف
واكتب لك احساسى الملهوف
واسمع منك ولو همسه

حبيبي وحياتك طمني
وواحد واحدة عليا فهمني
كل ماتسلم وتحاول تكلمني
بدوب انا من اول لمسّه
وكل مااشوفك بتكسف
وقلبي الصغير يتخطف
هوه حبي ده ممكن يتوصف
وعيون قلبك ولا حاسه
شيفاني صغيره لسّه

أنا بئدم

أنا بئدم علي احلي سنين ضاعت
مع ناس خاينين بالرخص باعت
أنا هسال عليك مش حب فيك
عايزة اشوف دمة عنيك
قصاد مشاعر جوايا ماتت
قتلت فيا اجمل احساس وشعور
بخلك بني بينا الف سور
حاله نادرة ومفيش مبادرة
ومبقتش قادرة وانت ولا بتقدم
واقفت في مكانك سابت
بخل المشاعر اصعب داء

لاله اطبه ولادواء
والحب عندي زي الميه والهواء
وانا زهرة شبابي دبلت
من كتر ماقاست
انا راحتني في غيابك
وهنايا اشوف عذابك
لو ليك نبضه في قلبي
كان ممكن اقبل عتابك
ايام الطيبه عدي
عليها الزمان وراحت

إستحاله

إستحالة يبقي ما بينا حياة
الغدر ابدأ ملوش دواء
من كتر الظلم وقساه
قلبي انجرح وانكوي
عشنا اتنين وتالتنا السكات
احساسنا بالحب زمن وفات
مخلتش مكان للسماح
ولادقه للأفراح
ولانبضه للهواء
وانا مليت من صبري عليك
بعد ما كان املي رضاك

وقلبي كان ملك ايديك
وعمري وحياتي فداك
طول ما احنا سوي
دلوقت كل شئ اتغير
والحب كان امل كداب
اتاري عمر الهناء قصير
حلم وابعد من السحاب
لاحسه القلب ولا منه ارتوي

أنا بحسب للقا

أنا بحسب للقا
بالساعات لا بالثواني
حبيبي أنا متشوقة
تحبي فيه الاماني
عايزة الوقت يعدي
بسرعه ولا يهدي
اجري بقي يازماني
يمكن مكتوب لي معاك
ابدا مشوار حياتي
ولما يقرب لي هواك
انسى دموعي واهاتي

وترجع فرحتي من ثاني
شوف اد ايه فات وعدي
وقلبي دايب شوق وحنين
والفكر ياما جاب وودي
طول ما انت غايب من سنين
وقدرت تهجر وتنساني
وانا يا حبيبي بستني
واحسب لمعاد لقانا
ويا ما قلبي اتمني
قلبك بشوقه يلقانا
اد شوقي واكثر من حناني

هيه كلمه

انا قولتها واد كلمتي
انت ولا تسوي حاجه في دنيتي
ولو شفتك صدفه هغير سكتي
مش عايزة اشوفك تاني
انت قلب خاين انت اناني
وانا مش هديلك اي فرصة
تعيد وتزيد في نفس القصة
دي حاجه انتهت وخالصه
انا اكبر من إنك تشوف دمعتي
انا دمعي عزيز وغالي
وهان عليك زي اليالي

ولاجي مرة في بالي
ابقي في حضنك واحس بغربتي
كنت بتخبي كتيروداري عليا
وانا ياما غمضت عنيا
كانت حقيقتك قدام عنيا
مصدقتهاش وهيه دي غلطتي

خافه

خافه لما تسيبني وتمشي
العين في بعدك ماتنمشي
والدمع يدوب رمشي
حبيبي اتعودنا علي هوائك
ارجوك ماتغيش كثير
يا اجمل م النسمه يا احلي عبير
انا وقلبي نفسي نظير
مش قادرة اصبر واستناك
حبيبي خليك إنت مكاني
هتصبر ايه اكتر من ثواني
ياريت كان ليا عمر ثاني

انا عمري ابتدي بلقاك
حسيت بوجودي وانا جمبك
ضمني اكر لحضن قلبك
حبيبي ماتحرمينش من حبك
دي حلوة الدنيا وانا وياك

لا متقولش

لا متقولش عدت ساعات
قول دقايق قول ثواني
اناكنت حاسه بحاجات
اتمني اعيشها وياك من تاني
هوه ده حلم ولا خيال
والشوق فوق الحدود عدي المحال
ده كان حقيقه ولا امانى
قدرت تاخدني من نفسي
وتكسر حصار قلبي وياسي
وتخليني انا بااعلي حسي
اقولك كان في حاجة نقصاني

انا عايزة اكثر من حبك
عايزة حبيبي وانا جمبك
اسمع كل دقة في قلبك
قبل عنيك بتقول وحشاني

أتحداك

اتحداك لو تقدر ع النسيان

بتبعد كتير يا حبيبي لآكن

قلبي جوه قلبك ساكن

ليغيرة بعد الاماكن

ولا يمحية طول الزمان

هتبعد تروح علي فين

وتنسي عمر واحلي شنين

عشناها بشوق وحنين

وحب خالص م الوجدان

اتحداك لو تقدر ع النسيان

وابعد يا حبيبي جرب

بعدي عنك واتغرب
قلبك ليا هيقرب
مش هيطاوعك ع الهجران
اتحداك حبيبي لو تقدر ع النسيان
واتحداني ان كنت تقدر
انا يا حبيبي بحب اكتر
وشوقي لعيونك مايتقدر
تعالى تعالى ومن غير ماتفكر
فين هتلاقى زي حبي ولا الحنان
اتحداك حبيبي لو تقدر ع النسيان

ليه ياقلبي

ليه ياقلبي م الحب بتشكي
د انت ياما ياما جرحت قلوب
ليه ياقلبي وليه بتبكي
وجي دلوقت تقولي نتوب
دوق ياقلبي اللي غيرك داقه
واتحمل نار الحب واشواقه
واياك تفكر في الهروب
وانت ياما جرحت قلوب
تستاهل كل عذابك
قولي ايه م الحب نابك
جي دلوقت تقفل بابك

لا كمل لوحتي هتدوب
إنت ياما ياما جرحت قلوب
انا حذرتك وبراحتك
طريق الحب مش ساهل
اخترت تعبك مش راحتك
إنت اللي تستاهل
مش هيفيد ندمك صدقتي
داري دمعك وتنهيدك
كل ما احاول اشكي
القاك بتسبقتني وده كان بايدك
وانا بنفذ امرك بس يادوب
وانت ياما جرحت قلوب

نسيتني إني انسانه

إنت نسيتني إني انسانه

ليا احساس وليا كيان

يمكن اكون غلطانه

فتحت قلبي سكنتك اعلي مكان

سيبتك تتربع علي عرشه

خليت الحب غطاء وفرشه

وعن طيب خاطر سلمتك مفتاحه

بس خلي بالك منه واياك تنساه

انا كل اللي انا عايزاه

احس وياك بالامان

مطلبتش منك المستحل

وراضيه حتي بالقليل
ومش شايقة معاك دليل
غير الحب اللي كان
وخلص من عمايلك اناهنساه
وابعد عن قلبك بكل قساه
صعب اتحمل ظلمك لا
والا صعب انك اقرب انسان

ايه اجمل من صوتك

في ايه اجمل من صوتك يصحيني
وعلي صورتك اصحي وافتح عيني
ولما تيجي سيرتك يزيد حنيني
بقالي كتير علي ده الحال
اسمك بقي لحن وموال
وايه اجمل من كده يتقال
ياللي بيك احلوت سنيني
مش قادر تبعد عني
ووبتحنبي اكر مني
بس إنت كدة ظالمني
مش عارف ازي ترضيني

لابعدك عني ريحني
ولا قربك مني فرحني
وكانك قاصد تجرحني
ياريتك قولت ناسيني
كان حبك عليا هان
وقدرت انساك كمان
حبيبي قبل مايفوت الاوان
هيه كلمه منك قولها تحيني

أوصفك إزاي

ياللي حيرتني في وصفك
وكل كلام الهوي مايكفي
ياللي ملكتني بحنانك وعطفك
مهما اقول مش ممكن اوفي
سحرتني وتهوت فيك
من رقتك من سحر عنيك
لوقلبي ممكن يوفي
اقدمه علي كفي
وأكون شهيدة غرامك
وبلسم يداوي جرحك والامك
ولنار شوقك نسمة تظفي

قلبي ايه إنت اغلي منه
هوہ عایش الاعشانك
يسوي ايه لو بعدت عنه
ولا ضاع إحساسه بامانك
إنت روح قلبي وكيانه
وكل دقة من نبضه حنانك
إنت غنوة بكل زمانه
وعزفها كان من الحانك

مسير الحي يتلاقي

مسير الحي يتلاقي

دي الغربه صعبة وفراقه

وانا علي بعدكم يا احباب

والله ماليش طاقه

ولحد امتي نفضل نقول

مسير الحي يتلاقي

بنسال كتير وانتو مش سألين

باين كده في البعد مرتاحين

واحنا بس اللي مش قادرين

ومن كتر حبنا والحنين

خطوتنا ليكو دايمًا سباقه

ولحد امتي بفضل نقول

مسير الحي يتلاقي

افتكرونا يا حبيبنا حتي بمرسال

وطمنونا كيفكم وازي الحال

هوه حبنا مجاش ولا خطر ع البال

امال وحشتونا ليه وعيونا مشتاقة

ولحد امتي بفضل نقول

مسير الحي يتلاقي

طب لو قدرنا ع الصبر ومراره

واتحكمنا في الشوق وناره

نجيب منين عمر يطول

وسنيننا بترمح منا وسراقه

ولحد امتي بفضل نقول

مسير الحي يتلاقي

من غير أسف

ايه يعني راي اختلف

بتحصل كثير ويا ما

ارجع حبيبي من غير اسف

ولا حتي عتاب ولا ملامه

ايه كلمة اتقالت ساعة غضب

لا يمكن نغير مصيرنا لاي سبب

ولا هتسيب في القلب علامة

ظروف كانت صعبه

بعدتنا عن بعض حبة

زودت جوايا المحبه

وشوقتني لاحلي ابتسامه

حبيبي ياللي انا منك
مقدرش يوم ابعد عنك
وانا مش شايفه غير إنك
تقول لخصامنا مع الف سلامه

بُعْدُ إِيَّاهُ !؟

بعد إِيَّاهُ اللى يفرقنا !؟

أو يحرمننا يوم من بعضنا

إزاي نعاندا أشواقنا

واحنا الغرام فى دمنا

حبيبى إنت الدنيا

ولو بعدت عنك ثانيه

يغفر لى عندك حبنا

حبيبتى

إنت الحياه والحب

إنت نور العين والقلب

إنت روحى وعمرى كله

والبعد عنك حقيقى صعب

يا نبض ساكن قلبنا

بحب فيكى حتى الخصام

واللقا من غير كلام

من نظرة عينيك باشوف

كل الأمانى

وأرق سلام

فى لحظة حنين بتضمنا

حبيبتي أنا لسه باعشق

وقلبك مش برضه مصدق

إن أنا بيكى نلت المنى

وأحلى حلم وياكى اتحقق

بعد إيه ؟!

ولا يهمنا

السيرة الذاتية



من مواليد السكاكيني بالظاهر

كان والدها إمام مسجد بالظاهر

ولدت من جذور صعيدية

بقرية زرنيج. مركز إسنا. محافظة الأقصر

هي أول من أسس ندوة ثقافية بقصر ثقافة منشية ناصر

في عهد جودت سباق رئيس قصر ثقافة منشية ناصر حينها
أول من حصل على شهادة تقدير على ورق البردي
لها لقاء على قناة أي بي سي
ولقاء في برنامج أيماننا الحلوه ومداخله على قناة المحور
نشرت لها العديد من الصحف منها. جريدة الحرة اليوم
وجريدة الوطن والعربي الناصري ونصف الدنيا
لها كليب مصور من الشؤون المعنوية للقوات المسلحة
باسم خلفتي يامصر ألحان الفنان حسن دنيا..
وأغنية للأم من ألحان حسن دنيا

محتوى الكتاب

2	بطاقة الكتاب
3	الإهداء
4	قلبي إتحرر
6	خلى الطابق مستور
8	أسكت لإمتى
10	لو بكره ماجاش
12	إحنا النهارده يوم جديد
15	راجع قلبك
17	لازم أبعد
19	مش هانسأك
21	نعمة الإحساس
23	حسيت مالمش وجود
25	باسم الحب
27	إوعى ياقلبي تضعف
29	بناقص
31	المؤمن دايمًا متصاب
35	سيبك من الأحلام
37	خايف م الهوى
39	كان ليه
41	يامصر يام الدنيا
43	أمى الحبيبىه
45	بيحسدونى عليك
47	حبيتك

49 بخاف منك
51 أنا الشهيد
53 بص لى ياابنى
55 يا جيش يامصرى
57 إلا كرامتى
59 حبيتى ليه
61 بتضيع وقت
63 يعز عليا
65 من فضلك
67 أنا بندم
69 استحاله
71 أنا بحسب للقا
73 هيه كلمه
75 خايفه
77 لا ماتقولش
79 أتحداك
81 ليه ياقلبى
83 نسيتنى إننى إنسانه
85 إيه أجمل من صوتك
87 أوصفك إزاي
89 مسير الحى يتلاقى
91 من غير أسف
93 بعد إيه
95 السيرة الذاتية

